



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶԻ ՏԵՂ  
ՀԱՄԱՅՆՔԻ ԱՎԱԳԱՆՈՒ ՆԻՍՏԻ**

**ԱՐՁԱՆԱԳՐՈՒԹՅՈՒՆ N 3**

23 ապրիլի 2021 թվականի գյուղ Տեղ

**Մասնակցում էին** Հայաստանի Հանրապետության Սյունիքի մարզի Տեղ համայնքի  
ավագանու 8 անդամներից՝

Սևադա Դանիելյանը  
Արտակ Աղաջանյանը  
Սիլվա Գալստյանը  
Արգամ Լալայանը  
Նարինե Զհանգիրյանը  
Սենիկ Փարսյանը

**Բացակայում էին** Հայաստանի Հանրապետության Սյունիքի մարզի Տեղ համայնքի  
ավագանու անդամներ՝

Մասիս Մկրտչյանը  
Համեստ Հակոբյանը

**Մասնակցում էր** Հայաստանի Հանրապետության Սյունիքի մարզի Տեղ համայնքի ղեկավար՝  
Ներսես Շադունցը:

Հրավիրված էին՝ Հայաստանի Հանրապետության Սյունիքի մարզի Տեղի  
համայնքապետարանի աշխատակազմի աշխատակիցներ, բնակավայրերի վարչական  
ղեկավարներ, համայնքի բնակիչներ:

**Նիստը վարում է** Հայաստանի Հանրապետության Սյունիքի մարզի Տեղ համայնքի  
ղեկավար՝ Ներսես Շադունցը:

**Նիստի արձանագրումն ապահովում էր** Հայաստանի Հանրապետության Սյունիքի  
մարզի Տեղի համայնքապետարանի աշխատակազմի քարտուղար՝ Արտակ Բաղդադյուլյանը:

Նիստն սկսվեց ժամը 14.00-ին:

Հայաստանի Հանրապետության Սյունիքի մարզի Տեղ համայնքի **ավագանին**.

- 1. Լսեց Նիստի օրակարգի մասին:** Նիստը վարող Հայաստանի Հանրապետության  
Սյունիքի մարզի Տեղ համայնքի ղեկավար՝ Ներսես Շադունցը ներկայացրեց նիստի  
օրակարգի նախագիծը և առաջարկեց հաստատել այն: Այլ առաջարկություններ չեղան:

**Որոշեց (N 10)՝**

Ղեկավարվելով «Տեղական ինքնակառավարման մասին» Հայաստանի  
Հանրապետության օրենքի 14-րդ և 17-րդ հոդվածներով, հիմք ընդունելով համայնքի  
ղեկավարի առաջարկությունը, Տեղ համայնքի ավագանին **որոշում է**.

Հաստատել Հայաստանի Հանրապետության Սյունիքի մարզի Տեղ համայնքի ավագանու  
2021 թվականի ապրիլի 23-ի նիստի հեղուկա օրակարգը:

1. Հայաստանի Հանրապետության Սյունիքի մարզի Տեղ համայնքի 2021 թվականի բյուջեի առաջին եռամսյակի ընթացքի մասին.
2. «Սյունիքի մարզի Տեղի թիվ 2 նախադպրոցական հաստատություն» համայնքային ոչ առևտրային կազմակերպությունը լուծարելու մասին.
3. Հայաստանի Հանրապետության Սյունիքի մարզի Տեղ համայնքի ավագանու 2019 թվականի դեկտեմբերի 27-ի N 43-Ա որոշման մեջ կատարել փոփոխություններ կատարելու մասին.
4. Հայաստանի Հանրապետության Սյունիքի մարզի Տեղ համայնքի վարչական տարածքում գտնվող հողամասի նպատակային նշանակությունը փոխելու մասին.
5. Համայնքի ղեկավարին կից կանանց և երիտասարդության հարցերով խորհրդակցական մարմնի ձևավորման և գործունեության կարգը հաստատելու մասին.
6. Հայաստանի Հանրապետության պետական բյուջեից նպատակային հատկացում՝ սուբվենցիա ստանալու նպատակով 2021բյուջետային ֆինանսավորման ծրագրային հայտերին հավանություն տալու մասին.
7. Հայաստանի Հանրապետության Սյունիքի մարզի Տեղ համայնքի Տեղ բնակավայրի համակցված փաստաթղթում փոփոխություն կատարելու, հողամասի նպատակային նշանակությունը փոխելու և անհատույց սեփականության իրավունքով Հայաստանի Հանրապետությանը հողամաս օտարելու մասին

(որոշման նախագծի քվեարկության արդյունքները. կողմ՝ 6, դեմ՝ 0, ձեռնպահ՝ 0)

2. **Լսեց՝ Հայաստանի Հանրապետության Սյունիքի մարզի Տեղ համայնքի 2021 թվականի բյուջեի առաջին եռամսյակի ընթացքի մասին:**

(զեկուցող՝ Համայնքի ղեկավար՝ Ներսես Շադունց)

**Որոշեց (N11)՝**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի առաջին մասի 6-րդ կետի դրույթներով, «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 35-րդ հոդվածի 3-րդ կետով, Տեղ համայնքի ավագանին **որոշում է.**

1. Ընդունել ի գիտություն Հայաստանի Հանրապետության Սյունիքի մարզի Տեղ համայնքի ղեկավարի հաղորդումը Հայաստանի Հանրապետության Սյունիքի մարզի Տեղ համայնքի բյուջեի 2021 թվականի առաջին եռամսյակի ընթացքի մասին՝ համաձայն բյուջեի կատարման վերաբերյալ հաշվետվության 1-6 հատվածների:
2. Սույն որոշումն ուժի մեջ է մտնում ընդունմանը հաջորդող օրվանից:

(որոշման նախագծի քվեարկության արդյունքները. կողմ՝ 6, դեմ՝ 0, ձեռնպահ՝ 0)

3. **Լսեց՝ «Սյունիքի մարզի Տեղի թիվ 2 նախադպրոցական հաստատություն» համայնքային ոչ առևտրային կազմակերպությունը լուծարելու մասին.**

(զեկուցող՝ Համայնքի ղեկավար՝ Ներսես Շադունց)

**Որոշեց (N12)՝**

Ղեկավարվելով «Տեղական ինքնակառավարման մասին» ՀՀ օրենքի 18-րդ հոդվածի 1-ին մասի 15-րդ կետով, Հայաստանի Հանրապետության Քաղաքացիական օրենսգրքի 67-րդ հոդվածի 2-րդ մասի 1-ին կետով, 68-րդ հոդվածի 2-րդ մասով, 69-րդ հոդվածի 1-ին և 2-րդ մասերով, «Պետական ոչ առևտրային կազմակերպությունների մասին» ՀՀ օրենքի 25-րդ հոդվածով, 13-րդ հոդվածի 2-րդ մասի գ) կետով, հիմք ընդունելով համայնքի ղեկավարի առաջարկությունը, Տեղ համայնքի ավագանին **որոշում է.**

1. Լուծարել «Սյունիքի մարզի Տեղի թիվ 2 նախադպրոցական հաստատություն» համայնքային ոչ առևտրային կազմակերպությունը (այսուհետ՝ կազմակերպություն):
2. Նշանակել կազմակերպության լուծարման հանձնաժողով (լուծարող) հետևյալ կազմով՝
  - 1) Արկադյա Խաչատրյան-համայնքի ղեկավարի տեղակալ, հանձնաժողովի նախագահ,
  - 2) Անի Գալստյան-Տեղի համայնքապետարանի աշխատակազմի 2-րդ կարգի մասնագետ-հանձնաժողովի անդամ,
  - 3) Արշալույս Ավետիսյան-Տեղի համայնքապետարանի աշխատակազմի 2-րդ կարգի մասնագետ-հանձնաժողովի անդամ,
  - 4) Անժելա Գրիգորյան-Տեղի համայնքապետարանի աշխատակազմի առաջատար մասնագետ-հանձնաժողովի անդամ,
  - 5) Գալյա Բաղդասարյան-կազմակերպության տնօրեն-հանձնաժողովի անդամ:
3. Կազմակերպության լուծարման և պարտատերերի պահանջների ներկայացման ժամկետ սահմանել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում լուծարման մասին հայտարարության հրապարակման պահից 2 ամիս:
4. Լուծարման հանձնաժողովին՝ լուծարումն իրականացնել Հայաստանի Հանրապետության Քաղաքացիական օրենսգրքի 69-րդ հոդվածով սահմանված՝ իրավաբանական անձի լուծարման կարգի պահանջներին համապատասխան:
5. Համայնքապետարանի աշխատակազմի քարտուղարին՝ ապահովել սույն որոշումից բխող անհրաժեշտ գործառույթների իրականացումը: Սույն որոշումն ուժի մեջ է մտնում որոշման ընդունման մասին իրազեկելու օրվան հաջորդող օրվանից:

(որոշման նախագծի քվեարկության արդյունքները. կողմ՝ 4, դեմ՝ 1, ձեռնպահ՝ 1)

Դեմ է քվեարկել ավագանու անդամ Սիլվա Գալստյանը, ձեռնպահ՝ Արտակ Աղաջանյանը:

#### **4 Լսեց՝ Հայաստանի Հանրապետության Սյունիքի մարզի Տեղ համայնքի ավագանու 2019 թվականի դեկտեմբերի 27-ի N 43-Ա որոշման մեջ կատարել փոփոխություններ կատարելու մասին.**

**(գեկուցող՝ Համայնքի ղեկավար՝ Ներսես Շադունց)**

##### **Որոշեց (N13)՝**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 28-րդ կետով, «Նորմատիվ իրավական ակտերի մասին» Հայաստանի Հանրապետության օրենքի 1-ին հոդվածի 2-րդ մասով, 33-րդ հոդվածով և հիմք ունենալով համայնքի ղեկավարի առաջարկությունը, Տեղ համայնքի ավագանին **որոշում է.**

1. Հայաստանի Հանրապետության Սյունիքի մարզի Տեղ համայնքի ավագանու 2019 թվականի դեկտեմբերի 27-ի «Հայաստանի Հանրապետության Սյունիքի մարզի Տեղ համայնքի ենթակայության համայնքային ոչ առևտրային կազմակերպությունների աշխատակիցների թվաքանակը, հաստիքացուցակը և պաշտոնային դրույքաչափերը

հաստատելու մասին» N 43-Ա որոշման մեջ կատարել փոփոխություն, N 1 հավելվածը շարադրել նոր խմբագրությամբ՝ համաձայն հավելվածի:

2. Սույն որոշումն ուժի մեջ է մտնում 2021թվականի մայիսի 1-ից:

(որոշման նախագծի քվեարկության արդյունքները. կողմ՝ 6, դեմ՝ 0, ձեռնպահ՝ 0)

**5 Լսեց՝ Հայաստանի Հանրապետության Սյունիքի մարզի Տեղ համայնքի վարչական տարածքում գտնվող հողամասի նպատակային նշանակությունը փոխելու մասին.**

**(զեկուցող՝ Համայնքի ղեկավար՝ Ներսես Շադունց)**

**Որոշեց (N14)՝**

Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 18-րդ հոդվածի 1-ին մասի 31-րդ կետով, Հայաստանի Հանրապետության Հողային օրենսգրքի 3-րդ հոդվածի 1-ին կետով, համաձայն Հայաստանի Հանրապետության կառավարության 2011 թվականի դեկտեմբերի 29-ի N 1918-Ն որոշման և հինք ընդունելով հողերի օգտագործման ժամանակավոր սխեմաների համաձայնեցման միջգերատեսչական հանձնաժողովի 2021 թվականի ապրիլի 6-ի N 73 եզրակացությունը, Տեղ համայնքի ավագանին **որոշում է.**

1. ՀՀ Սյունիքի մարզի Տեղ համայնքի Տեղ բնակավայրի համակցված փաստաթղթում կատարել փոփոխություն և որպես առաջնահերթ միջոցառում, սպանդանոց կառուցելու համար համայնքային սեփականություն հանդիսացող գյուղատնտեսական նշանակության հողերից 0.105 հեկտար արոտավայր (1.X=8624848.4790, Y=4380648.2486, 2. X=8624847.3154, Y=4380659.9911, 3. X=8624870.0839, Y=4380662.2472, 4. X=8624868.6837, Y=4380676.3780, 5. X=8624898.5375, Y=4380679.3361, 6. X=8624901.1013, Y=4380653.4628) (կադաստրային ծածկագիր՝ 09-101-0124-0046-ից) փոխադրել արդյունաբերության, ընդերքօգտագործման և այլ արտադրական նշանակության օբյեկտների հողերի կատեգորիա՝ <<գյուղատնտեսական արտադրական օբյեկտների հողեր>> գործառնական նշանակությամբ:

2. Տեղ համայնքի ղեկավարին՝ ապահովել սույն որոշումից բխող գործառույթների իրականացումը:

(որոշման նախագծի քվեարկության արդյունքները. կողմ՝ 6, դեմ՝ 0, ձեռնպահ՝ 0)

**6 Լսեց՝ Համայնքի ղեկավարին կից կանանց և երիտասարդության հարցերով խորհրդակցական մարմնի ձևավորման և գործունեության կարգը հաստատելու մասին.**

**(զեկուցող՝ Համայնքի ղեկավար՝ Ներսես Շադունց)**

**Որոշեց (N15)՝**

Ղեկավարվելով «Տեղական ինքնակառավարման մասին» ՀՀ օրենքի 18-րդ հոդվածի 1-ին մասի 34-րդ կետի և 35-րդ հոդվածի 1-ին մասի 14-րդ կետի պահանջներով, հիմք ընդունելով Տեղ համայնքի ավագանու կողմից 2016թվականի սեպտեմբերի 28-ին ընդունված «Հայաստանի Հանրապետության Սյունիքի մարզի Տեղ համայնքի ղեկավարին կից

խորհրդակցական մարմինների ձևավորման և գործունեության կարգը հաստատելու մասին»  
թիվ 5-Ն որոշման պահանջները, Տեղ համայնքի ավագանին **որոշում է**.

1. Հաստատել համայնքի ղեկավարին կից կանանց և երիտասարդության հարցերով խորհրդակցական մարմնի ձևավորման և գործունեության կարգը՝ համաձայն N 1 հավելվածի:
2. Սահմանել համայնքի ղեկավարին կից կանանց և երիտասարդության հարցերով խորհրդակցական մարմնի անդամության դիմումի ձևը՝ համաձայն N2 հավելվածի:
3. Սույն որոշումն ուժի մեջ է իրազեկման հաջորդ օրվանից:  
(որոշման նախագծի քվեարկության արդյունքները. կողմ՝ 6, դեմ՝ 0, ձեռնպահ՝ 0)

**7 Լսեց՝ Հայաստանի Հանրապետության պետական բյուջեից նպատակային հատկացում՝ սուբվենցիա ստանալու նպատակով 2021 բյուջետային ֆինանսավորման ծրագրային հայտերին հավանություն տալու մասին.**  
**(զեկուցող՝ Համայնքի ղեկավար՝ Ներսես Շադունց)**

**Որոշեց (N16)՝**

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 4-րդ և 25-րդ կետերով, հիմք ընդունելով համայնքի ղեկավարի առաջարկությունը՝ Տեղ համայնքի ավագանին **որոշում է**.

1. Հայաստանի Հանրապետության պետական բյուջեից նպատակային հատկացում՝ սուբվենցիա, ստանալու նպատակով հավանություն տալ ՀՀ Սյունիքի մարզի Տեղ համայնքի 2021 թվականի բյուջետային ֆինանսավորման հետևյալ ծրագրային հայտերին՝
  - 1) «ՀՀ Սյունիքի մարզի Տեղ համայնքի Խնածախ բնակավայրի ոռոգման ներքին ցանցի վերանորոգման աշխատանքներ».
  - 2) «ՀՀ Սյունիքի մարզի Տեղ համայնքի Խոզնավար բնակավայրի ոռոգման ներքին ցանցի կառուցման աշխատանքներ»:
2. Համայնքի ղեկավարին՝ ապահովել սույն որոշումից բխող անհրաժեշտ գործառույթների իրականացումը, ՀՀ կառավարության 2006 թվականի նոյեմբերի 16-ի «Հայաստանի Հանրապետության պետական բյուջեից համայնքներին սուբվենցիաների տրամադրման կարգը հաստատելու մասին» N1708-Ն որոշման դրույթների համաձայն՝ կազմել սուբվենցիաների ամբողջական փաթեթներ և ներկայացնել ՀՀ Սյունիքի մարզպետարան:  
(որոշման նախագծի քվեարկության արդյունքները. կողմ՝ 6, դեմ՝ 0, ձեռնպահ՝ 0)

**8 Լսեց՝ Հայաստանի Հանրապետության Սյունիքի մարզի Տեղ համայնքի Տեղ բնակավայրի համակցված փաստաթղթում փոփոխություն կատարելու, հողամասի նպատակային նշանակությունը փոխելու և անհատույց սեփականության իրավունքով Հայաստանի Հանրապետության հողամաս օտարելու մասին**

**(զեկուցող՝ Համայնքի ղեկավար՝ Ներսես Շադունց)**

**Որոշեց (N17)՝**




Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 18-րդ հոդվածի 1-ին մասի 21-րդ և 29-րդ կետերով, ՀՀ հողային օրենսգրքի 3-րդ և 63-րդ հոդվածների դրույթներով, համաձայն Հայաստանի Հանրապետության կառավարության 2011 թվականի դեկտեմբերի 29-ի N 1920-Ն որոշման և հաշվի առնելով ՀՀ վարչապետի 2009 թվականի դեկտեմբերի 22-ի N 1064-Ա որոշմամբ ստեղծված ՀՀ համայնքների քաղաքաշինական ծրագրային փաստաթղթերի մշակման աշխատանքները համակարգող միջգերատեսչական հանձնաժողովի 2021 թվականի ապրիլի 20-ի N 2/փ-136 դրական եզրակացությունն ու համայնքի ղեկավարի առաջարկությունը, Տեղ համայնքի ավագանին **որոշում է.**

1. Հայաստանի Հանրապետության Սյունիքի մարզի Տեղ համայնքի Տեղ բնակավայրի համակցված տարածական պլանավորման փաստաթղթում կատարել փոփոխություն և համաձայն հավելվածի, որպես առաջնահերթ միջոցառում, համայնքային սեփականություն հանդիսացող գյուղատնտեսական նշանակության 1,7 հեկտար այլ հողատեսքը (կադաստրային ծածկագիր՝ 09-101-0101-0048-ից) փոխադրել հատուկ նշանակության հողերի կատեգորիա:
2. Սույն որոշման 1-ին կետով հատուկ նշանակության հողերի կատեգորիա փոխադրված 1,7 հեկտար մակերեսով հողամասը, պաշտպանական նպատակներով օգտագործելու համար, անհատույց սեփականության իրավունքով (նվիրատվության) օտարել Հայաստանի Հանրապետությանը:
3. Համայնքի ղեկավարին՝ ՀՀ օրենսդրությամբ սահմանված կարգով և ժամկետներում ձեռնարկել սույն որոշումից բխող գործառույթների իրականացումը:

(որոշման նախագծի քվեարկության արդյունքները. կողմ՝ 6, դեմ՝ 0, ձեռնպահ՝ 0)


Օրակարգի բոլոր հարցերն սպառվեցին: Նիստն ավարտվեց ժամը 16.00-ին:

**Հայաստանի Հանրապետության Սյունիքի մարզի  
Տեղ համայնքի ավագանու անդամներ՝**

- |   |                                                                                     |                   |
|---|-------------------------------------------------------------------------------------|-------------------|
| 1 |  | Սևադա Դանիելյան   |
| 2 |  | Սիլվա Գալստյան    |
| 3 |  | Արտակ Աղաջանյան   |
| 4 |  | Արգամ Լալայան     |
| 5 |  | Նարինե Զհանգիրյան |
| 6 |  | Սենիկ Փարսյան     |

**Հայաստանի Հանրապետության Սյունիքի մարզի**

**Տեղ համայնքի ղեկավար՝**

 **Ներսես Շադունց**

